

**ՀԱՅ ԺՈՂՈՎՐԴԱԿԱՆ ԿՈՒՍԱԿՑՈՒԹՅԱՆ
ԳԱՂԱՓԱՐԱԽՈՍՈՒԹՅՈՒՆԸ, ԾՐԱԳԻՐԸ ԵՎ
ՄԱՐՏԱՎԱՐՈՒԹՅՈՒՆԸ**

Ա.Մ.ՀԱԿՈԲՅԱՆ

Հայ ժողովրդական կուսակցությունը (ՀԺԿ) գաղափարապես սկիզբ է առնում կովկասահայ ու ռուսահայ լիբերալիզմից, որի գլխավոր խոսափողը «Մշակ» թերթն էր: Եվ պատահական չէ, որ այս կուսակցությունը երբեմն անվանում են մշակական: ՀԺԿ դավանանքը Հիմնականում համընկնում ու նույնանում էր «Մշակի» արծարծած ու պաշտպանած գաղափարներին: Նշենք, որ ազատական հոսանքը ռուսահայ իրականության մեջ սկիզբ է առել ավելի վաղ՝ տակավին XIX դ. կեսերից, Ստ. Նազարյանցի «Հյուսիսափայլի» ժամանակներից: Ավելացնենք նաև, որ ազատախոհությունը Հայ իրականության հոգեհարազատ հոսանքներից է¹, որից էլ հետագայում սկիզբ առան Հայ ռամկավար-ազատական կուսակցությունները:

ՀԺԿ-ն գաղափարական-ծրագրային մեծ նմանություն և ընդհանրություն ունի 1905թ. հոկտեմբերին Հիմնված ռուսական ազատական ամենագորեզ «Ժողովրդական ազատություն» կամ Կոնստիտուցիոն դեմոկրատների (կադետների) կուսակցության հետ: Ուստի պատահական չէ նաև, որ Հայ ժողովրդականներին հաճախ անվանել են Հայ կադետներ: Այդպես է արվել հատկապես բոլշևիկյան և խորհրդային գրականության մեջ: Խնդիրն այն էր, որ բուրժուական որակով կուսակցությունը էլ էր կարելի անվանել «Ժողովրդական»:

«Մշակը» և մշակականները դեռ ռուսական առաջին հեղափոխության ժամանակ (1905թ. հոկտեմբերին), ռուսական նորահիմն կադետական կուսակցության օրինակով, կուսակցություն կամ, համեմայն դեպք, քաղաքական կազմակերպություն ստեղծելու փորձ կատարեցին²: Կազմակերպությունը կոչվեց «Հայ դեմոկրատական կուսակցություն»: Այս առնչությամբ Դ. Անանունը տեղեկացնում է, որ 1905թ. գլուխ բարձրացրեց Հայ սահմանադիր-ռամկավար կուսակցությունը³: Այն ռուսական կադետների կուսակցության հայկական մի խմբակցություն կամ մասնաճյուղ էր, որի մեջ ընդգրկվել էին կադետների աշխարհայացքին հարող Հայ գործիչներ Համբարձում Առաքելյանը, Բժիշկ Ալեքսանդր Խատիսյանը, Լևոն Ղուլյանը, Մելիք-Ազարյանը, Սամսոն Հարությունյանը, Լևոն Սարգսյանը, Ալեքսանդր Քալանթարը և ուրիշներ: 1905թ. կազմվեց ծրագրի նախագիծ: Կուսակցությունը պիտի հետամտու լինի նաև

¹ Հայտնի հեղափոխական, սոցիալ-դեմոկրատ Գևորգ Ղարաջյանը մշակականությունը համարում էր XIX դ. երկրորդ կեսի Հայ ազգային-ազատագրական կյանքում տիրող հոսանքներից մեկը (տե՛ս Գ. Ղարաջյան, Անցյալի հիշողություններից, Թիֆլիս, 1918, էջ 13):

² Տե՛ս Буржуазные и мелкобуржуазные партии, М., 1980, с. 147 – 148.

³ Տե՛ս Դ. Անանուն, Ռուսահայերի հասարակական զարգացումը, հ. 3, էջ 351: Մ. Արզումանյանը այս կուսակցության Հիմնադրումը թվագրել է 1906-ով, որը ճիշտ չէ (տե՛ս Մ. Արզումանյան, Բոլշևիկների գործունեությունը և ռևոլյուցիոն շարժումները Հայաստանում 1907 – 1917թթ., Ե., 1959, էջ 197):

Հայությունը հողորդ ազգային խնդիրներին (Թուրքահայ Հարցին) և իր կազմով լինելու ազգային: «Աշակն» այս ուղղությամբ զգալի ջանքեր թափեց, բայց հետադարձում ուսումնական հետադեմ բյուրոկրատիան կանխեց Կադետական կուսակցության Հայկական նմանակ «Հայ դեմոկրատական կուսակցության» կայացման փորձերը: Կուսակցության ստեղծման նախաձեռնողներն իրենց հերթին չհամարձակվեցին հիմնել անլեգալ (ընդհատակյա) կուսակցություն:

Այսպիսով, մինչև 1917թ. ապրիլին Թիֆլիսում կհիմնվեր ՀԺԿ-ն, մշակական ուղղության գործիչները դեռ 1905թ. հոկտեմբերին փորձ են արել հիմնել կադետական ուղղության և ազգային նկարագրով կուսակցություն:

Կարելի է փստահել, որ Հայ ժողովրդական կուսակցությունը 1917թ. Փետրվարյան հեղափոխության ծնունդն էր: Նոր կուսակցության հիմնման նպատակով ստեղծված նախաձեռնող խումբը (Հ.Առաքելյան, Մ.Պապաջանյան, Ս.Հարությունյան, Լ.Ղուկասյան, Գ.Մելիք-Ղարաբյոյան և ուրիշներ) ապրիլի 7-ին հրապարակեց հռչակագիր, որը փաստորեն ուներ ծրագրային բովանդակություն⁴: Օրագրի մշակումը թողնելով ապագա համագումարին՝ այդ հռչակագրում ՀԺԿ-ն ստեղծում էր ուսումնական մեծ և անարյուն հեղափոխությունը և իր լիակատար համակրանքն ու աջակցությունն էր հայտնում ժամանակավոր կառավարությանը: Այդպիսի, դասակարգային, կրոնական և տնտեսական խնդիրների լուծումը սրանք ևս թողնում էին Սահմանադիր ժողովի իրավասությանը: Պատերազմի և խաղաղության հարցում ՀԺԿ-ն պաշտպանում էր «պատերազմ մինչև որ չքանա զերմանական միջխտարիդը»⁵, լուզունգը քանի որ գերմանական միջխտարիդի ջախջախումը խոշոր հարված կլիներ նաև պանթուրքիզմին: Այդպիսով, Հայ ժողովուրդը կարող էր ազատություն ձեռք բերել և հոսսալ իր Դատի արդարացի լուծումը:

ՀԺԿ հիմնադիրը հռչակագրում ասվում էր, որ իր ծրագրային հիմնադրույթներով հարում է ուսումնական Կադետների կուսակցության 1917թ. մարտի 25-ին (VII համագումարում) ընդունված վերջին բարեփոխված ծրագրի դադարափարներին՝ իրավական, ժողովրդավարական, պառլամենտական հանրասպիտակություն հիմնելու մասին⁶:

Ազգային հարցում ՀԺԿ-ն դարձյալ պաշտպանում էր ուսումնական համապետականության շրջանակներում քաղաքական-տարածքային ինքնավարության և տեղական ինքնակառավարման մասին պահանջը: Ժողովրդականները հատուկ ընդգծում էին Հայկական հարցի կարևորությունը: Ընդ որում, ժողովրդականները Հայկական հարցում դրսևորում էին տարբերակված մոտեցում: Առհասարակ, Հայկական հարցը նրանք դիտում էին որպես միջազգային հարց, որը կարող էր լուծում ստանալ միջազգային կոնգրեսում⁷: Տաճկահայ խնդրում նրանք, ընդառաջ գնալով Թուրքահայերի ցանկությունը, պահանջում

⁴ Տե՛ս Հայաստանի Հանրապետության հասարակական քաղաքական կազմակերպությունների փաստաթղթերի պետական կենտրոնական արխիվ (այսուհետև՝ ՀՀ ՀՔԿԳ ՊԿԱ), ֆ. 4043, գ. 7, գ. 11, թ. 1-2, ֆ. 1022, ց. 7, գ. 96, թ. 26, Մշակ, 7. IV.1917:

⁵ Հայաստանի Հանրապետության պետական կենտրոնական պատմության արխիվ (այսուհետև՝ ՀՀ ՊԿՊԱ), ֆ. 292, ց. 1, գ. 5, թ. 1:

⁶ Տե՛ս ՀՀ ՀՔԿԳ ՊԿԱ, ֆ. 4043, ց. 7, գ. 6, թ. 1, ՀՀ ՊԿՊԱ, ֆ. 292, ց. 1, գ. 5, թ. 1:

⁷ Տե՛ս ՀՀ ՊԿՊԱ, ֆ. 292, ց. 1, գ. 5, թ. 2, Ժողովուրդ, 29. IX. 1918, Հ. Գաղափարներ, Հայաստան 1918 և Հայ քաղաքական միտքը, Պետություն, 1984, էջ 228:

էին արեւմտահայութեան ազատագրում թուրքական դարավոր ստրկութունից և ազգային-մշակութային անկախ զարգացում, իսկ արեւելահայ նահանգների ու գավառների համար նախատեսում էին տարածքային և ազգային-մշակութային ինքնավարութիւն՝ տեղական հարցերի վերաբերյալ օրենսդրական մարմնով⁸։ Հայկական ինքնավարութեան իրավասութեան մեջ մտնելու էին բոլոր վարչական, տնտեսական, մշակութային և դատական գործերը։ Նրա սահմաններում գործավարութեան պաշտոնական լեզուն համարվելու էր հայերենը, հարգվելու էին ազգային փոքրամասնութիւնների ազգային-մշակութային իրավունքները⁹։ Նույն կերպ, ժողովրդականները գտնում էին, որ պետք է պաշտպանվեն արեւելահայ գավառներից դուրս՝ Ռուսական կայսրութեան երկրամասերում ապրող հայերի ազգային-մշակութային ինքնավարութեան իրավունքները¹⁰։

Կուսակցութիւնը պահանջում էր վերականգնել հայոց անկախ եկեղեցու բոլոր իրավունքները, պահպանել եկեղեցական կալվածքները, գումարել ազգային-եկեղեցական ժողով հոգևորականներից¹¹։ Հայոց եկեղեցու կալվածքները, որոնց եկամուտով էին պահվում հայոց հոգևոր և մշակութային հաստատութիւնները, կազմելու էին համազգային անկապտելի սեփականութիւն¹²։

ՀԺԿ առաջին ծրագիրը հաստատվեց 1917թ. սեպտեմբերին՝ կուսակցութեան I համագումարում։ Բոլշևիկները, «սպեցիֆիկները» և ուրիշներ, ՀԺԿ-ն որակելով օտարածին, այն նույնացրել են ռուսական կաղետների կուսակցութեան հետ։ Իհարկե, երբ հիմնվեց կուսակցութիւնը և ընդունվեց առաջին ծրագիրը, բավական մեծ ընդհանրութիւն կար այդ երկու կուսակցութիւնների միջև, սակայն հետագայում՝ սկսած 1917թ. վերջից ու հատկապես 1918թ., Ռուսաստանում և Անդրկովկասում տեղի ունեցած արմատական փոփոխութիւններից ու հատկապես Հայաստանի անկախութեան հռչակումից հետո ՀԺԿ-ն, ապրելով հետագա քաղաքական բարեշրջում, լիովին կանգնեց ազգային հողի վրա։ Այնպես, որ իրավացի չեն նրանք, ովքեր ՀԺԿ-ն նույնացնում են ռուսական կաղետների կուսակցութեանը։ Երկու կուսակցութիւնների աշխարհայացքի և մարտավարութեան ակներև նմանութեան հետ միասին կային նաև ռազմավարական ակնհայտ տարբերութիւններ։ Ռուսական կաղետների և հայ ժողովրդականների ամենագլխավոր տարբերակիչ գիծն այն էր, որ ՀԺԿ-ն ուներ ընդգծված ազգային նկարագիր, իսկ կաղետները համառուսական մյուս կուսակցութիւնների պես առանձնապես մեծ կարևորութիւն չէին տալիս ազգային հարցին։ Այսպես, 1917թ. սեպտեմբերին ՀԺԿ I համագումարում խնդիր էր դրվում կուսակցութիւնը դարձնել անկախ և ազգային¹³։ Այդ համագումարում ընդունված կուսակցութեան առաջին ծրագրում առանձին բաժին էր կազմում ազգային հարցը։ Ամրակայելով կուսակցութեան հիմնադիր հռչակագրի գաղափարները՝ դրանում պաշտպանվում էր Ռուսահայաստանի ազգային-տարածքային ինքնավարութիւնը տեղական բոլոր հարցերի վերաբերյալ, ուր

⁸ Տե՛ս ՀՀ ՀՔԿՓ ՊԿԱ, ֆ. 4043, ց. 7, ք. 11, թ. 2, ՀՀ ՊԿՊԱ, ֆ. 292, ց. 1, ք. 5, թ. 2. Մշակ, 7. IV. 1912։

⁹ Տե՛ս ՀՀ ՊԿՊԱ, ֆ. 292, ց. 1, ք. 5, թ. 2։

¹⁰ Տե՛ս Буржуазные и мелкобуржуазные партии, с. 148.

¹¹ Տե՛ս ՀՀ ՀՔԿՓ ՊԿԱ, ֆ. 1022, ց. 7, ք. 96, թ. 26։

¹² Տե՛ս ՀՀ ՊԿՊԱ, ֆ. 292, ց. 1, ք. 5, թ. 2, Ժողովուրդ, 22. VIII.1918։

¹³ Տե՛ս Ժողովուրդ, 29.VIII.1918։

գործավարության պաշտոնական լեզուն Համարվելու էր Հայերենը¹⁴։ Այս կետը դեմ էր կադետների ծրագրին, որովհետև վերջիններս դեմ էին Ռուսաստանի ազգային փոքրամասնությունների ազգային-տարածքային ինքնավարությանը և միայն թույլատրելի էին Համարում փոքրաթիվ ազգությունների կուլտուրա-ազգային ինքնավարությունը։ Այստեղ մենք պետք է կարողանանք զանազանել ազգային-տարածքային ինքնավարությունը կուլտուրա-ազգային ինքնավարությունից։ Վերջինս արտատարածքային պահանջ է։ Իսկ ազգային-տարածքային ինքնավարությունն այնպիսի պահանջ է, որը կարող է հիմք դառնալ ազգային ինքնավարության հետագա զարգացման՝ ազգային պետականության ու անկախության գաղափարի հաղթանակին։ 1918թ. Հայաստանի անկախության հռչակումից հետո ՀԺԿ-ն հետևողականորեն պաշտպանեց անկախ պետականության գաղափարը։ Այս կուսակցության գաղափարախոսության հիմքում դրված էր Հայկական մշակույթի և պետականության պահպանման ու զարգացման իդեալը։ Հայկական պետականությունը նրանք Համարում էին Հայկական մշակույթի ուրույն զարգացման միջոց¹⁵։ 1919թ. սեպտեմբերին Երևանում գումարված երկրորդ Համագումարում ՀԺԿ-ն՝ Հայ քաղաքական կուսակցություններից առաջիններից մեկը, պաշտպանեց Միացյալ և Անկախ Հայաստան ստեղծելու ծրագրային պահանջը¹⁶։

Հայաստանի պետական կառուցվածքի հարցում ՀԺԿ-ն նախագահական (պրեզիդենտական) ինստիտուտի անհրաժեշտությունն ընդունելով հանդերձ, առաջնությունը տալիս էր ժողովրդական ներկայացուցչությանը՝ խորհրդարանին։ Դա երևում է նրանց ծրագրի հետևյալ կետից. «Ոչ մի որոշում, կարգադրություն, հրաման՝ ինչ անուն էլ որ կրի և ումից էլ որ բխի, չի կարող օրենքի ուժ ստանալ, եթե հիմնված չէ պառլամենտի որոշման վրա»¹⁷։ Ասվածից երևում է, որ ժողովրդականները կողմնակից էին խորհրդարանական կառավարման համակարգին։ Նրանք կողմնակից էին ամուր իրավակարգ ունեցող պետության։

ՀԺԿ-ն Հայ ժողովրդի և Հայաստանի քաղաքական կողմնորոշման հարցում, ըստ քաղաքական հանգամանքների ու իրադրության, ունեցել է փոփոխական, ավելի ազատ ու շրջահայաց դիրքորոշում։ Նրանք միակողմանիորեն չէին ջատագովում ռուսական կողմնորոշումը, թեև իրենք զուտ ռուսահայ կուսակցություն էին։ «Եթե Հայ ժողովրդի փրկությունը, - կարդում ենք նրանց «Ժողովուրդ» պաշտոնաթերթում, - պահանջն ընդունել մի այնպիսի օրինեստացիա, որը կհակասի նույնիսկ ներկա պայմաններում Ռուսաստանի շահերին, ՀԺ կուսակցությունը դա կանի առանց վարանման»¹⁸։ «Մեզ համար, - կարդում ենք նույն թերթի մեկ այլ խմբագրականում, - այս կամ այն օրինեստացիան միայն միջոց է Հայ ժողովրդի իդեալները իրականացնելու գործում, և մի որևէ ուրիշ երկիր կամ ժողովուրդ չի կարող լինել մեզ համար իդեալ»¹⁹։ Ժողովրդականները հանգում էին այն հետևություններ, որ Հայաստանը և Հայ ժողովուրդը պետք է ունենան միայն մեկ՝ Հայկական կողմնորոշում։ Ինչպես տեսնում ենք, քաղաքական կողմնորոշման խնդրում ևս Հայ ժողովրդականներն այնքան էլ կառչած չէին կադետներին ու Ռուսաստանին։

¹⁴ Տե՛ս նույն տեղում, 29.IX.1918։

¹⁵ Տե՛ս նույն տեղում, 15.IX.1918։

¹⁶ Տե՛ս Ծրագիր Հայ ժողովրդական կուսակցության, Ե., 1919, էջ 3։

¹⁷ Նույն տեղում, էջ 5։

¹⁸ Ժողովուրդ, 29. VIII. 1918։

¹⁹ Նույն տեղում, 15.IX. 1918։

Ժողովրդականներն իրենց դավանանքով և հետապնդած նպատակներով ազգային են հենց թեկուզ նրանով, որ նրանց համար գլխավորը ոչ թե դասակարգային, այլ ազգային, պետական շահն էր: Կուսակցության առաջին ծրագրում որպես հիմնադրույթ, ընդգծվում էր նրա ազգային և ապադասակարգային լինելու հանգամանքը²⁰:

Ժողովրդականներին խորթ էին հեղափոխական, սոցիալիստական գաղափարները²¹: Որպես ազատական կուսակցություն՝ ՀԺԿ-ն իր հույսերը ապադասակարգային էր, բայց քանի որ իր տնտեսական պատճառով ընդունում էր քաղաքացու մասնավոր սեփականության իրավունքը, այստեղից էլ ինքնաբերաբար որակվել է որպես բուրժուական կուսակցություն: Իրականում, ՀԺԿ-ն ազգային, հավասարապես բոլոր շերտերի շահերի ու իրավունքների պաշտպանության, ոչ հեղափոխական գործելակերպի, խաղաղ բարեփոխման, ամուր խորհրդարանական, իրավական, ժողովրդավարական պետության կողմնակից կուսակցություն էր:

ՀԺԿ-ն իր կազմակերպական ձևով նույնպես ազգային էր: Համաձայն կանոնադրության, կուսակցության անդամ կարող էին լինել միայն հայերը²²: ՀՅԴ-ի պես, սա ևս իր գործունեությունը տարածում էր այնտեղ, ուր կար հայություն: Սոցիալ-դասակարգային առումով ժողովրդականները արտահայտում էին կովկասահայ առևտրաարդյունաբերական բուրժուազիայի շահերը, թեև իրենց համարում էին ապադասակարգային, ազատամիտ, չափավոր կուսակցություն: Քանի որ այն համարվում էր հակասոցիալիստական ուղղվածության կուսակցություն և պաշտպանում էր մասնավոր սեփականության, ընդունակության ու անձնական նախաձեռնության խրախուսման գաղափարները, ուստի սոցիալ-գաղափարական նախադուռ էր բացում իր շարքերում ունեւոր իսկի մարդկանց ներգրավելու համար: Իսկ այդպիսի խավի հայ մարդկանց ավելի հաճախ կարելի էր հանդիպել Կովկասի արդյունաբերական կենտրոններում²³: Իհարկե, սա ամենևին էլ չի նշանակում, թե ՀԺԿ շարքերում չկային մտավորականներ, ծառայողներ, գյուղացիներ, արհեստավորներ, հոգևորականներ և սոցիալական ամենատարբեր խավերի ներկայացուցիչներ: Նորաստեղծ այս կուսակցության շարքերում, ինչ խոսք, այդպիսիք կային, սակայն քանակով փոքր էին:

Տալով ժողովրդական (ուսմկավար) և ընդհանրապես «բուրժուական» որակով ազատական կուսակցությունների ընդհանուր գնահատականը՝ կարելի է եզրակացնել հետևյալը: Որպես ազգային տիպի կուսակցություններ՝ դրանք ընդունում էին ազգային շահերի գերակայությունը դասակարգային նկատմամբ: Չէին ճանաչում որևէ դասակարգային առանձնաշնորհում: Հանդես էին դալիս ազգային դիմագծի և նրա օրինական շահերի ու պատմաքաղաքական իրավունքների պաշտպանությամբ՝ միաժամանակ հարգելով մյուս ժողովուրդների իրավունքներն ու շահերը: Այս տիպի կուսակցությունների ընկերային աշխարհայացքի առանցքն անհատի բոլոր տեսակի կարողությունների

²⁰ Տե՛ս Հ.Ստեփանյան, Հայ ժողովրդական կուսակցությունը համազգային և ապադասակարգային է, Ալեքսանդրապոլ, 1919, էջ 3:

²¹ Տե՛ս ՀՀ ՀՔԿՓ ՊԿԱ, ֆ. 4043, ց. 7, գ. 12, թ. 1:

²² Տե՛ս Ժողովուրդ, 29. IX. 1918:

²³ Տե՛ս Кавказское слово, 11. VI. 1918, ՀՀ ԳԱԱ Լրաբեր, 1988, N 7, էջ 27:

(ֆիզիկական, մտավոր և բարոյական) ազատ դրսևորման մեջ էր: Եվ, վերջապես, նրանք կողմնակից էին քաղաքական, տնտեսական ու ընկերային բարեփոխումների ոչ հեղափոխական՝ բարեշրջման (էվոլյուցիոն) ուղուն:

ИДЕОЛОГИЯ, ПРОГРАММА И ТАКТИКА АРМЯНСКОЙ НАРОДНОЙ ПАРТИИ

А.М.АКОПЯН

Р е з ю м е

Армянская народная партия (АНП) является главной либеральной партией восточноармянской и вообще русско-армянской действительности в начале XX в. Ее идейные истоки восходят, с одной стороны, к либеральной газете “Мшак”, а с другой — к русской Конституционной демократической партии (кадетов). Поэтому иногда АНП называют также “мшакистами” или армянскими кадетами. Но в отличие от русских кадетов так называемые армянские кадеты имели четкую национальную ориентацию. Они признавали приоритет национальных интересов. В то же время АНП была сторонницей системы парламентарного политического управления Армении и т.д..